

Ազգայնագիտական Հասցեագրակ

Առօրեայ խոսակցություն

9(47.925)
Մ-82

1926

31 AUG 2007

05 SEP 2011

9(17-925)
Մ-82

ՍՕՑԻԱԼԻՍՏԱԿԱՆ ՀԱՅԱՍՏԱՆԻ
ԱՌՈՐԵԱ ԽՆԴԻՐՆԵՐԸ

38

Գրեց՝
Ա.Լ. ՄԱՐՏՈՒՆԻ

ՀԱՅԱՍՏԱՆԻ ՀԱՆՐԱՅԻՆ ԳՐԱԳՐԱԿԱՆ
ՍՏՈՒԹՅԱՆ ՀԱՅՏՐԱԿԱՆ ԲԻՈԼՈԳԻԱ
7/31-1922
ՍՅԱՆԿՈՒՄ ԿՆՏՆԱԿԱՆ
ՍՅԱՆԿՅԱՆԻ ԱՆՎԱՆ



ԸՆԿ. Ա.Լ. ՄԱՐՏՈՒՆԻ

1924

Հրատարակուրթիւն «ԳԻՏ-ԴԱՍ» Հրատ. Ընկերութեան

„Git Das” P. O. Box 62, Mad. Sq. Sta.
New York City

ԳԻՆ՝ 20 ՍԷՆԹ

03 JUL 2013
15-82

1302X

00

87-ՍՂ ԵՌԱՄԵԱ ՍՕՅԻԱԼԻՍՏԱԿԱՆ ՀԱՅԱՍՏԱՆԻ ԱՌՕՐԵԱ ԽՆԴԻՐՆԵՐԸ

ՀՐԱՏԱՐԱԿԻԶՆԵՐՈՒ ԿՈՂՄԷ

Առանձին գրքոյկով հրատարակութեան տալով ընկեր Մարտունիի (Ալեքս. Մեանիկեան) այս փոքրիկ, բայց նշանակալից գրութիւնը, մենք ունէ կասկած չունինք թէ նախորդի պէս ջերմագին ընդունելութեան պիտի արժանանա: Ընկ. Մեանիկեանի այս գրութիւնն ամբողջացումն է նախորդի, որ մենք հրատարակած ենք մէկ-երկու շաբաթ առաջ, «Գաղութահայ Աշխատաւորութեան» վերնագրին տակ:

Որոշ եւ մեկին կերպով, կենդանի լեզուով եւ անկեղծ շեշտով Խորհրդային Հայաստանի մեր համբաւաւոր ընկերն իր տեսակետները կպարզէ շատ մը հրատապ, առօրէական խնդիրներու վերաբերմամբ՝ պատասխանատու մարդու կատարեալ գիտակցութեամբ. այդ հանգամանքը գրքոյկին կընծայէ առանձին արժէք եւ նշանակութիւն. հոն արտայայտած տեսակետները սոսկ անհատական բնոյթ չունին, այլ եւ Խորհրդային Հայաստանի վարիչներու տեսակետներն են ընդհանրապէս:

Կյուսանք շուտով ի վիճակի ըլլալ ուրիշ գրութիւն մը նոյն հեղինակի գրչէն տպագրութեան յանձնելու:

«ԳԻՏ-ԴԱՍ» Հրատ. Ընկերութիւն

Երեք տարի: Սա մեծ ժամանակամիջոց է յեղափոխական պատմաչրջանի համար: Եւ այդ երեք տարւա ընթացքում դոնէ լուծւած է զլխաւոր խնդիրը: Հայաստանի խորհրդայնացումը, կարելի է համարձակօրէն ասել, վճռել է կամ վերացրել՝ այսպէս կոչւած՝ հայկական հարցը: Եւ նա մի բան էլ աւելի է արել:

ՀԱՅԱՍՏԱՆԻ ՀԱՐՑԸ

Մենք շատ լաւ գիտենք, որ արտասահմանում պատուարւած «մարտական կուսակցութեան» չարբաստիկ գինակիրները պատրաստ են կոչելու. «Ո՛չ, հայկական հարցը կա, Թիւրքահայաստանի խնդիրը մնում է, իսկ Ռուսահայաստանը պէտք է որ ազատագրւի ռուսական լծից»: Սովորական պնդում, քանի որ այդ արւում է մարդկանց կողմից, որոնք ընդունակ չեն որեւէ հարց լուծելու, եւ որոնց կողքով ծանրակշիռ խնդիրներն անցնում-գնում են եւ վճռւում պատմութեան անողոք լօգիկայի հարւածների տակ: Եւ Հայաստանում ապրողն ու շրջադայողը տեսնում է թէ ինչ ապահով օրեր է ապրում այդ երկրի չարատանջ աշխատաւորը, որի համար մի հարց է մնացել միայն՝ բարեփոխել իր նիստն ու կացը, միանգամայն բարելաւել իր տնտեսութիւնն ու կենցաղը: Մենք սովորութիւն չունենք դիմելու բուրժուաների կողմից մեր հասցէին ուղղւած բարենպաստ վկայութիւններին. դա «մարտական կուսակցութեան» փեշակն է, եւ հէնց այդ պատճառով էլ այստեղ ընդգծում ենք այն, ինչ մեզ ասաց նորերս Հայաստանից արտասահման վերադարձող հայ խոշոր կապիտալիստներից մէկը՝ Կարիկեան: Վերջինս գտնում է, որ Հայաստանն արդէն թեւակոխել է երջանկութեան դարաշրջանը: Ինչու՞ է նա այդպէս խօսում: Այն հասարակ ու պարզ պատճառով, որ նա տեսել է մեր Հայաստանը:

155
R

Տաճկահայաստանի խնդիր՝ Այդ էլ է լուծւած: Նորից կհայհոյեն մեզ դաշնակցականները: Այո՛, նա լուծւած է եւ նրա դատաւիճիւր կհանւի մօտակա տարիներում, քանի որ Տաճկաստանի դրութիւնն այս յեղափոխական էպօստայում վերջնականապէս կորոշի: Մերձաւոր Արեւելքի դռն չեմքին կանգնած Խորհրդային Կովկասն արդէն կանխորոշում է արեւելեան ժողովուրդների եւ Մերձաւոր Արեւելքի բախտը: Մեզ համար գոյութիւն չունի եւ սահմանների հարցը, որովհետեւ ժողովուրդներ եւ երկրներ յեղափոխականացնող խորհրդային իրաւակարգն այս դէպքում թերեւս համաձայն լինի հայկական հինաւուրց ասացւածքին թէ՛ «սահման քաջաց—դէնն իւրեանց», քանի որ նրա գաղափարները համատարած են:

«ԹԻԻՐՔԱԿԱՆ ՎՏԱՆԳԸ»

Բայց կա եւ մնում է «թիւրքական վտանգը»: Այդ մասին էլ են խօսում մեր ազգայնականները: Այդ բանին հակամետ են հաւատարու նաեւ Հայաստանի ազգաբնակչութեան որոշ խաւերը: Ամենայն պատասխանատուութեամբ եւ վստահութեամբ մենք պնդում ենք, որ այդ «վտանգը» չկա, նոյնիսկ չնայած երեւանեան այն «միջադէպին», որի առիթով Պօլսի թրքական ու հայկական դեղին ու սպիտակ մամուլն այնքան թժբուկ դարկեց վերջին ժամանակները: Եթէ մի խիստ աննշան դէպք, որի նմանները շատ-շատ են այս յեղափոխական օրերին, այն էլ խորհրդային երկրների այսպէս ասած միջազգային պրակտիկայում, մի դէպք, որը ոչ մի արձագանգ չտաւ մեզանում, մի դէպք, որի հանդէպ ինքը, տաճկական կառավարութիւնը, անշուշտ, կպահպանի իր լիակատար լօյալուքիւնը եւ բարի դրացիութիւնը Խորհրդային Հայաստանի եւ այլ խորհրդային երկրների հետ, եթէ այդպիսի մի դէպք ընդունակ է աղմուկ բարձրացնելու, ապա պէտք է ուղղակի ասել, որ մարդիկ որոշել են պրօվօկացիա սարքելու մեր գլխին: Իսկ մենք յիմարներ չենք:

Պրօվօկատորներին շատ լաւ ենք ճանաչում: Նրանց ցոյց կտանք իրանց տեղը: Իսկական վտանգը պէտք է սպասել հայկական հակաօրհափոխական Դաշնակցութեան եւ թրքական ոճրագործ դաւադիրների բանակից: Նրանք վխտում են Պօլսի նեղ փողոցներում: Մինչդեռ նոր Տաճկաստանի աշխատաւոր գիւղացիութիւնը եւ նրա տրամադրութեան հետ հաշի նստող անգօրական կառավարութիւնը գիտեն, որ իրանց թիկունքը միանգամայն ապահովւած է՝ շնորհիւ Խորհրդային Ռուսաստանի ու Կովկասի: Վերջիններս էլ չեն վախենում ոչ մի պրօվօկացիայից, քանի որ նրանց յոյսը յեղափոխական աշխատաւորութիւնն է, Կարմիր Բանակն է, որ կոչւած է ամենուրեք խաղաղութիւնն ապահովելու, նրանց չեկաներն են, նւ արեւելքի (ընդ սմին եւ Տաճկաստանի) ժողովուրդների բուն ցանկութիւնն է՝ հաշտ ու խաղաղ ապրել սօցիալիստական յեղափոխութեան օջախների հետ:

Այդպէս ուրեմն, «Երեւանի միջադէպը» մի ցնդարանութիւն է, եւ Հայաստանն առաջաւ նման եւ էլ աւելի խաղաղ օրեր է ապրում: Այլ կերպ մտածողն ու խորհողը կա՛մ պրօվօկատոր է, կա՛մ խենթ էր կա՛մ մոլորւած:

ԳԱՂԹԱԿԱՆՈՒԹԵԱՆ ԽՆԻՒՐԸ

Մնում է դաղթականութեան խնդիրը: Օ՛ր, դաշնակցականները թողթ ու թանաք չեն խնայում «ապացուցանելու» համար, թէ արդի Հայաստանը հայ դաղթականներին հրաժարում է ընդունել. նրանք սովորաբար ակնարկներ են անում Պարսկաստանի դաղթականութեան վերաբերմամբ: Պարսկաստանում մի ժամանակ դաղթականներ են եղել Դարբինեաններն, Օհանջանեաններն եւ Վրացեանները. այսօր այն տեղ են այդ մարդկանց վարձկան ազգնունները: Ինչպէ՞ս էք հրամայում. պէ՞տք էր եւ պէ՞տք է արդեօք դրանց ընդունել: Ո՛չ մի դէպքում, մեր կարծիքով նրանց չի կարելի «ընդունել» Հայաստան, որովհետեւ այդ մարդկանց նպատակն է կոիւների ու

սրածուլթեան վայր դարձնել Խորհրդային Հայաստանը: Թո՛ղ փորձեն: Իսկ մենք նրանց՝ թալանի ու աւերածութեան այդ ասպետներին խաղաղութեան անկիւն չենք յատկացնել մեր երկրում: Մնացեալ խաղաղ ու հալալ գաղթականութիւնը վաղուց հետէ անցել է Հայաստան: Վերջին ժամանակներս վերադարձել են նախկին դաշնակցական զինուորներից ու սպաններից հարիւրաւոր մարդիկ, որոնք արդէն հասկացել են իրանց մոլորութիւնը: Միջագետքից հազարներով եւ այլ վայրերից մեծ խմբերով գաղթականներ են անցել Հայաստան: Տասնեակ հազարից անց է նրանց թիւը:

Այսօր Պօլսոմ սպասում է տասնեակ հազարաւոր հայ գաղթականութիւն, որին մենք յայտարարում ենք, որ հնարութիւն ունենք ընդունելու եւ տեղաւորելու Հայաստանում ու կովկասում: Բայց արտասահմանում եւս կա հարիւր հազարաւոր գաղթականութիւն: Ի՞նչ անել նրա վերաբերմամբ: Հայաստանը շատ հող չունի: Նա ոռոգում է իր անջրգի տափարակները: Դա արւում է եւ գաղթականութեան համար: Բացի այդ, Խորհրդային Հայաստանի կայունութիւնն Արեւելքում արդէն առհաւատչեա է այն բանի, որ գաղթականութիւնը վաղ թէ ուշ հնարաւորութիւն պիտի ունենա իր համար մի տեղ գտնելու: Դաշնակցականները կուելով Հայաստանի դէմ՝ կոխ են մղում գաղթականութեան դէմ, որովհետեւ նրանք վնաս են հասցնում մեր գործի յաջող ելքին: Այս տեսակետից ո՛չ մի միտք չունին դաշնակցականների կանչկոտոցները, որ բարձրացնում են նրանք գաղթականական հարցի շուրջը: Դա լոկ խեղկատակութիւն է, շաղախած պրօփօկացիայով, ստով ու անմտութեամբ:

Նրանք հակայեղափոխական ու հակաաշխատաւորական պրօպականդա են մղում նաեւ գաղթականութեան մեծածաւալ շարքերում: Պօլսի «Ճակատամարտ» թերթը Բուլկարիայի, Ամերիկայի, Յունաստանի հայ գաղթականներին խորհուրդ է տալիս «չխաբելի» բոլշեւիկներից, հեռու կենալ յեղափոխական վարդապետութիւնից, ի-

բանց երկրների աշխատաւորութիւնից եւ դրանով «հայի նամուն» աղատել պղծութիւնից: Եթէ հայ գաղթականութիւնը հետեւէր դրան, այն ժամանակ նա ինչ քաջածկլինէր իր ներկայի եւ իր ողջ ապագայի վրա: Հայ գաղթականութեան ազատագրումը հէնց այն յեղափոխական պայքարի մէջն է, որ նա մղելու է իր կողքը տալով Եւրոպայի ու Ամերիկայի աշխատաւորութեան կողքին: Օրինակը կա: Դա Ամերիկայի հայ բանւորութեան ճիշտ գիծն է, որ նա երեւան է հանել՝ ստեղծելով Հայ Բանուրական կազմակերպութիւն Ամերիկայում: Եթէ դուք ուզում էք Հայաստանի զօրացումը, որով նա հնարաւորութիւն կունենա նորանոր գաղթականներ ընդունելու, եթէ դուք ուզում էք մի անգամ ընդմիշտ ազատել տնակութիւնից, թշուառութիւնից ու չարքաշ դրութիւնից, դու՛ք, հայ գաղթականներդ, որոնց թիւը հարիւր հազարներով է հաշւում, ապա վանեցէ՛ք ձեզանից հակաօրովորական ու մարդադաւ դաշնակցականներին, որոնք մասն ունին ձեր դժբախտութեան մէջ, եւ փարեցէ՛ք արդի յեղափոխական շարժմանը. միացած ձեր երկրների պրօլետարներին՝ քանդեցէ՛ք նրանց հետ միասին կապիտալիզմի, արեան, թշուառութեան ու հին աշխարհի հիմքերը:

Եւ դա հեշտ է անել այսօր, որովհետեւ հին աշխարհը ծւատում է յեղափոխական շարժման հարւածներից, որի պատճառով էլ հէնց քայքայում, տարրալուծում եւ տակն ու վրա են լինում անցեալ կեանքի պաշտպան կանգնած կուսակցութիւնները: Այս երկու հանգամանքը հեշտացնում է եւ Խորհրդային Հայաստանի պայքարն ու աշխատանքը:

ԳԵՐՄԱՆԱԿԱՆ ԱՆՑՔԻՐԸ

Առաջին պայմաններից մէկն է Գերմանիայում տեղի ունեցող քաղաքացիական կոխը: Գերմանական յեղափոխութիւնը յաջող ելք ունենալով, արդէն կորոչէ մարդ-

կութեան ճակատագիրը մի անգամ ընդմիջտ : Գերմանիան Եւրոպայի սիրտն է կազմում . երբ սիրտը յեղաշրջւի, կկերպարանաւորւի ըստ նորի նաեւ ողջ օրգանիզմը : Այդ իսկ պատճառով խորհրդային երկրները, նրանց շարքում եւ Հայաստանը, սուր հետաքրքրութիւն են ցոյց տալիս գերմանական անցքերի հանդէպ եւ խիստ շահագրգռւած են գերմանական պրօլետարիատի յաղթութեան գործում : Ուստի եւ մեր օգնութիւնը գերմանական պրօլետարիատին՝ անպակաս պիտի լինի : Այն ծանր աշխատաքը, որ տանում են խորհրդային երկրները, գերմանական յեղափոխութեան յաղթանակի դէպքում կրկնակի կթեթեւնա, եւ մէնք արագօրէն կշարժենք դէպի մեր նպատակակետը : Ու մի՞թէ դրանում նոյն չափով շահ չունեն արտասահմանեան հայ աշխատաւորները :

ԴԱՇՆԱԿՑՈՒԹԵԱՆ ՕՐՀԱՍԸ

Երկրորդ հանգամանքը, դա Դաշնակցութեան անկումն է : Հայաստանի դաշնակցականները լիկվիդացիայի ենթարկեցին իրանց կազմակերպութիւնները : Նրանցից առաջ Դրօն ու ընկերներն իրանց յայտագրով սնանկ յայտարարեցին Դաշնակցութեան անցեալն ու նրա քաղաքականութիւնը, շնայած որ դաշնակցական թերթերն ու «Հ. Հ. Դաշնակցութեան արտասահմանի պատասխանատու մարմնի» պատասխանը ա՛յլ բան են պնդում . «Վրաստանի կենտրոնական Կօմիտէի անդամները մէկ տարիէ աւելի ձեմալ փաշայի սպանութենէն ի վեր բանտարկւած կմնային Մետեխի բերդին մէջ, բոլորովին կտրւած էին արտաքին աշխարհէն եւ յայտագիրն ստորագրած են բանտին մէջ, առանց դուրսի ընկերներու եւ մարմիններու հետ խորհրդակցելու եւ անոնց համաձայնութիւնն առնելու» : Բանից դուրս է գալիս, որ միտոիքական «պատասխանատու մարմինն» իր ընկերներին միանգամայն նսեմացնում է, համարելով նրանց վախկոտներ ու մորթեպաշտներ, թէեւ, պէտք է ասած, որ յայտագիրն ստո-

րագրել չն նրանք թիֆլիսում, իրանց բնակարաններում . իսկ Դրօն նոյնիսկ այդ ակտի համար, իր ու իրայիններէ ձեռքով գրւած յայտագրի պատճէնը գրպանում, ձեպընթացով Մօսկւայից հասնում էր թիֆլիս . այն Մօսկւայից, որտեղ նա ազատօրէն պարապում էր իր անձնական սնտեսական գործերով :

Մնում է արտասահմանեան Դաշնակցութիւնը, որ իր վերջին օրերն է ապրում : Ըիջտ է, նա դեռ ունի օրապահուստ, հրատարակում է իր թերթերը, եւ այնտեղ ինչ որ «քէօրիաներ» են թխում նրա տեսարանները, բայց այդ ամէնը հայ ազգայնական ինտելիգենցիայի կամ հայ վարժապետութեան վերջին շունչն է : Վարժապետ «թէօրետիկոսներն» իրանց կուսակցութեան դադաղի մեխերն են խփում եւ իրանք էլ պատրաստուում են այնտեղ տեղաւորելու : Մասսաները նրանցից հեռանում են : Արտասահմանեան խարւած հայ գաղթականները նմանապէս հրաժարւում են Դաշնակցութիւնից : Նրա վաղեմի բարեկամներից մէկը՝ Չաչխուշեան, իր դամբանականը նոր միայն վերջացրեց, որն ուղղւած է Դաշնակցութեան հասցէին : Աւելի խիստ մեղադրական է կարգում այսօր Դաշնակցութեան սիւներից մէկը՝ Քաջազնունին, որ նորերս լոյս տեսած իր գրքոյկում քննադատելով Դաշնակցութեան քաղաքականութիւնն ու էութիւնը, ելնելով արդէ Հայաստանին ամէն կերպ օգնելու տեսակէտից, այսպիսի ծանրակշիռ ու սպանիչ վճիռ է հանում իր կուսակցութեան համար : «Ի՞նչ անել ուրեմն : Ահա այստեղ է, որ պիտի ասեմ այն շատ ծանր խօսքը, որ՝ գիտեմ՝ վրդովեցնելու է անգ (այսինքն՝ դաշնակցականներին .— Ա. Մ.), բայց որը պէտք է ասուի վերջապէս եւ ասուի պարզօրէն, առանց ֆոլարկումների եւ մեղմացումների . Հ. Յ. ԴԱՇՆԱԿՑՈՒԹԻՒՆԸ ԱՆԵԼԻՔ ՁՈՒՆԻ ԱՅԼԵԼՍ» :

խորհրդային Հայաստանն այդ խօսքը վաղուց է ասել : Շատ լաւ, եթէ այն կրկնում են այսօր թուեղ դաշնակցականները, շատ վատ, եթէ հակառակն են պնդում դաշնակցական ջոջերը : Բայց գլխաւորն այն է, որ այդ

վճիռն են հանում եւ դաշնակցական մասսաները: Դրանով նրանք թեթեւացնում են մեր ընդհանուր գործը: Այժմ դառնանք այդ գործին:

ԱՆԿԱՅՈՒԹԵԱՆ ԳԱՂԱՓԱՐԸ

Երեք տարի անցաւ այն օրւանից: Հայաստանն սկըզբում միանգամայն մեկուսացած էր: Անցեալ տարի Վրաստանի ու Ադրբեջանի հետ միասին նա կազմեց Կովկասեան Ֆեդերացիան, որն այս տարի մտաւ Համախորհրդային Միութեան ծոցը: Այդպիսով Հայաստանը կազմեց Խորհրդային երկրների միացեալ բանակի մի մասնիկը: Այս առիթով հայ վարժապետները հարայ-հրոց են բարձրացնում, թէ Հայաստանը կորցրեց իր անկախութիւնը, թէ նրանում տիրապետող ռուսական սելինն է:

Ի՞նչ է պետական անկախութիւնը: Արդեօք Հայաստանն անկախ եղե՞լ է դաշնակցականների տիրապետութեան օրով: Ոչ, որովհետեւ Հայաստան կոչւած վայրում տիրող եղել է անգլիացին, իսկ նրան արտաքսելուց յետո՝ թուրքը: Միմիայն հայ աշխատաւորութեան ըմբոստացումն ու ռուսական կարմիր բանակի օղնութիւնը հրնարաւորութիւն տւին հայ աշխատաւորին ազատ շունչ քաշելու: Այժմ Հայաստանը ռուս բանորի, վրացի եւ ադրբեջանցի զիւղացու բարեկամն է: Ի՞նչ կա այստեղ խորշիլու: Դրանով մենք պարծենում ենք: Այսօր Հայաստանում շատ աւելի դիւրին եւ ազատ են շրջագայութիւնը, աշխատանքը եւ դարգացումը: Լեզուն ու կուլտուրան աւելի բարձր դրութեան մէջ են, քան առաջ: Մարդկային անհատականութիւնն, արժանապատուութիւնն աւելի յարգի են, քան դաշնակցականների օրով էին: Չկա վարժապետականութիւն, սեմինարիզմ, մարդատեցութիւն, ստորաբարչութիւն, տուրուղմիոց, սրածութիւն, լաց ու չիւան: Ուղեմն հարցն ինչու՞մն է: Հա, մի բան էլ է պակասում այսօր՝ կապիտալի շահագործումը: Դաշնակցականները Հայաստանը տանում էին դէպի կապի-

տալիստական դժոխքը. նրանք լծւել էին կապիտալին, այսինքն՝ ամերիկացուն, անգլիացուն, հայ վաճառակահին ու սպեկուլանտին: Այսօր այլ է պատկերը: Այն ժամանակ էլ կար պետութիւն, այժմ էլ: Նա էլ իրան անկախ էր համարում, սա էլ անկախ է: Ո՞րն է ընտրում ժողովուրդը. ո՞րն է աւելի լաւ: Համեմատեցէ՛ք ու կըմբռնէք: Իսկ անկախութեան մասին դրածները դաշնակցական «Հայրենիք»ի էջերում ոչ այլ ինչ են, եթէ ոչ սոսկ ֆոկլուսնիկութիւն ու տխմար խարբեայութիւն:

ԱՇԽԱՏԱԻՈՐԱԿԱՆ ՏԱՐՐԵՐԻ ՀԱՄԵՐԱՇԵՆՈՒԹԻՒՆԸ

Այս երեք տարիների գլխաւոր արժանիքներից են պրօլետարական ու աշխատաւորական տարրերի համեմաշխութեան գաղափարը, ազգային համերաշխութեան քարոզն ու գործը: Դրանց արդիւնքները շատ խոշոր են: Շնորհիւ դրանց է, որ Հայաստանն օրէօր առաջդիմում է. Խորհրդային Միութիւնն ու Կովկասեան Ֆեդերացիան մեծապէս դարկ տւին Հայաստանի բարգաւաճման գործին: Ազատւած եւ ինքնուրոյն Հայաստանը ո՛չ թէ յետադիմում է, ո՛չ թէ կանգնած է մի մակարդակի վրա, այլ շարժւում է, առաջ է գնում, ուժեղանում: Բայց դեռ ինչքա՞ն աշխատանք կա կատարելու: Մենք որքան առաջդիմում ենք, այնքան էլ մեծ ուշադրութիւն ենք դարձնում մեր բացերին, երեւան ենք հանում մեր խոցերը եւ նրանց բուժելու միջոցներ ենք որոնում: Իսկ պահանջներ կան ու կան: Ահա սա է, որ լուծում է այսօրւա Հայաստանը: Այլ հարցն էր չկան, այս խնդիրներն են, առօրեա բացերն են ծառանում մեր առաջ: Ու դա մեր «Լուր օրերն» է՝ դառնանք նրանց:

ՀԱՅԱՍՏԱՆԻ ԿՈՒՆՏՈՒՐԱԿԱՆ ՄԱԿԱՐԴԱԿԸ

Հայաստանի ընդհանուր կուլտուրական մակարդակը, անշուշտ, բարձրանում է: Ամենից առաջ կենդանանում են քաղաքները, թէեւ այս բնագաւառում դեռեւս մեծ աշխատանք կա կատարելու: Սակայն առանց զիւղի

ոչինչ չի կարելի անել մեր երկրում, քանի որ նա գերազանցապէս զիւղացիական վայր է: Մինչդեռ զիւղը տակաւին ծանր օրեր է ապրում: Ահա՛ այդ զիւղն ըստ ընկ. Մ. Բագրատունու նկարագրութեան. —

«Երբ Աշտարակը, կարբին անցնում ես, իլանջալանից սկսած արդէն սկսում է խաւար աշխարհը եւ մէկը միւսի հետեւից այս եւ այն բարձրաւանդակի տակ, Արագածի ստորտուներում, գետնի երեսին հագիւ նշմարում են ինչ որ խորդ ու բորդուքիւններ, կիսակոնուսաւոր ցած խուղեր, որոնցից՝ կարծէք հրաբխային խառնարաններից՝ դուրս են բարձրանում ծխի փուլաներ: Դրանք Աբարանի գիւղերն են, որոնք իրանց բնակավայրերի տեսքով, մաշակով ու կուլտուրայով դեռ ապրում են ֆսեմեֆօնեան դարերում:

Ամենայն իրաւամբ կարելի է ասել, որ այստեղ մարդկային մտքի եւ առաջադիմութեան էվօլյուցիան դարբել է առաջ շարժել, սայլը կոտրել ու այնպէս կանգնել մնացել է դարերի ընթացքում:

Աբարանը մեկուսացած, դրսի աշխարհից կտրւած, ոչ մի հոսանք, ստափեցուցիչ թարմ օդ չի մտել այդտեղ: Գիւղացիութեան մտաւոր զարգացման աստիճանը որոշում է նրա կեանքի, կենցաղավարութեան, տնտեսութեան յետամնաց վիճակը. շրջապատող առարկաները, տան ներսի կահաւորութիւնը, հողէ կփուռ-բժութը, դրգալը, ամանեղէնները, տան սիւները, նրագը, նրագկալը — ձեզ յիշեցնում են անդրմիջնադարեան կաւի դարաշրջանները. ամեն ինչ հասարակ ֆարէ, հող եւ ծխից ու մրից սեւացած կոշտ ու կոպիտ տաշած փայտ»:

ՄԱՀԻԱՆ ԿՌԻԻ ՏԳԻՏՈՒԹԵԱՆ ԳԷՄ

Այդպէս է հայ զիւղը շատ տեղերում՝ խաւար, գետնափոր, ետընկած, տղէտ ու աղքատ, նամանաւանդ գետնափոր: Ի՞նչ տգիտութեան եւ աղքատութեան լուռ արձանն է, ազադակող յիշատակը: Մահւան կոխ պէտք է յայ-

տարարել այդ գետնափորութեան: Մեր կարծիքով դրահամար պէտք է զիւղացուն սրակել նախ՝ գրադիտութեան, երկրորդ՝ նախաձեռնութեան եւ երրորդ՝ ինքնօրնութեան շինուկները:

Մեծ ցաւը նրանումն է, որ հայ զիւղացին տղէտ է, մտաւորապէս խաւար: Եթէ զիւղացին տղէտ է, ապա դակրկնակի պատուհաս է, որովհետեւ զիւղացին իր տնտեսական վիճակով անշարժ է, պահպանողական ու բթացած: Այստեղից մեկնելով՝ պէտք է ամեն ջանք թափել զիւղացուն լուսաւորելու համար: Խորհրդային կարգերը թոյլ են տալիս մեր զիւղացուն զարգանալու. փոխանակ գնալու եւ կապիտալիզմի գիրկն ընկնելու, զիւղացին այսօր դիմում է դէպի սօցիալիզմ: Սակայն առանց հողը լաւ մշակելու, առանց հացի ու հանգստի՝ չկա սօցիալիզմ: Հողը լաւ մշակել, պատշաճ հագոստով ման դալ եւ կուշտ ապրել կարող է նա՝ ով ունի գիր, ունի վարժ ու թափանցող միտք, ով իր նիստուկացի մէջ գիտէ կիրառել կեանքի ու զարգացման գոնէ ամենակարեւոր եւ շատ ընդհանուր օրէնքները կամ կանոնները: Մեր զիւղացին չի ընտելացած դրան. այդ պատճառով էլ նա խեղճ է, յետամնաց ու աղքատ:

Քանզեցէ՛ք այդ գետնափոր տները: Տւէք զիւղացուն հագուստ, վառելանիւթ եւ աղ: Սա՛ է օրւա պահանջը: Բայց ամենից առաջ, եթէ ուղում էք, տւէք նրան ուսում, գիտութիւն: Ժողովրդական Լուսաւորութեան Կօմիսսարիատի առաջնակարգ գործն է ոչ թէ միայն Հայաստանում, այլեւ կովկասեան այլ հանրապետութիւններում եւ Ռուսաստանում, գրադիտութեան եւ հանրային գիտելիքների տարածումը: Քաղաքին լուսաւորութիւն պէտք է, պէտք են այդ թանգարանները, թատրոններն ու համալսարանները. բայց աւելի մեծ անհրաժեշտութիւն է թանգարանը, թատրոնն ու համալսարանը զիւղում, որը գրագիտութիւն բառով է բնորոշուում, առանց որի՝ չկա զիւղացու բարեկեցութիւն, իսկ առանց վերջինս՝ հնարաւոր չէ օրգանապէս խորհրդային շինարարութեամբ

տարւել: Գրադիտութիւնը դուրս կրերի հայ գիւղը, ինչպէս ընկ. Բագրատունին է որակում՝ նրա քսենեֆօնեան դարաշրջանից:

ՈՒՍՈՒՑՁԻ ԴԵՐԸ

Գիւղում լուսաւորութիւն տարածողը պէտք է լինի ուսուցիչը: Դա սովետական ուսուցիչն է: Վարժապետները դարն անցաւ: Մեզ պէտք են յեղափոխական, պրօլետարական ու մարդասէր ուսուցիչներ: Նրանց թիւը շատ չէ: Պէտք է պատրաստել եւ արագ կերպով պատրաստել Խորհրդային Իշխանութեան այդ կարեւորագոյն աշխատակիցներին: Ուսուցիչն է, որ երիտասարդութեան հետ միասին ստեղծելու եւ շինելու է նոր գիւղը: Արդ, մեր նշանաբանն է լինելու՝ կեցցէ՛ գիւղական ուսուցիչը, դուրս բերենք մեր աշխատաւորութեան մէջից հարիւրներով ու հազարներով ուսուցիչներ: Սա շատ խոշոր հարց է, եւ պէտք է լուծի Լուսաւորութեան Ժողովրդական Կօմիսսարիատը:

Այդ հարցն ունի եւ իր նիւթական կողմը: Մեր ուսուցիչներին անհրաժեշտ է դուրս բերել նրանց վատթար, նրանց դժոխային դրութիւնից: Ինչպէս մենք ապահովում ենք մեր լաւագոյն աշխատողներին, հարկաւոր է նիւթական տանելի պայմանների մէջ դնել ուսուցչութիւնը թէ գիւղում եւ թէ քաղաքներում: Առանց այդ ապահովութեան մենք չենք ունենալ ոչ դպրոց, ոչ ուսում, ոչ էլ դասատուների կազմ ու պատրաստ բանակ: Մեր կուսակցութիւնն է, որ պէտք է դարձնի իր խորին ուշադրութիւնը արծարծածս կենսական ու ամենաառաջնակարգ խնդրին:

ՆԱԽԱՁԵՆՈՒԹԵԱՆ ՊԱԿԱՍԸ

Հայ գիւղը զուրկ է նախաձեռնութիւնից: Նախաձեռնութիւնը պակասում է այնտեղ, որտեղ չկա դէմք, չկա

կորով, չկա կամք: Դա յատուկ է գիւղացուն, առաւել եւս հայ գիւղացուն՝ յետամնաց ու աղքատ այդ տարրին: Հայ գիւղացու այդ դիմադրկութիւնը հեշտութեամբ կվերանա խորհրդային կարգերի օրով, եթէ միայն գիւղացին ունենա ինքնագիտակցութիւն: Լուսաւորութիւնը մեծ զարկ է տալիս նախաձեռնութեան, առանց որի անհնար է դառնում տնտեսական կեանքի զարգացումը: Մենք շատ լաւ գիտենք, ինչպէս ասացինք, որ գիւղն ու նախաձեռնութիւնը հակոտնեաներ են: Ձեռներէցութիւնը յատուկ է արդի քաղաքին, հոսող եւ մի ժամանակ առաջընթաց երեւոյթ կազմող կապիտալին, բուրժուական մասնաւոր սեփականութեան: Բանն էլ հենց նրանումն է, որ մեր գիւղն առաջ ընթանա նախկին կապիտալիզմի օրինակով հեց այս խնդրում՝ արագօրէն, ժիր եւ լի թափով: Պէտք է տալ գիւղացուն արթուն ու խուզարկու միտք նրա նախաձեռնութիւնը շարժել իւրաքանչիւր բոլից, ամէն բանում: Եթէ սօցիալիզմը եւ խորհրդային կարգերը կարող են օգնութեան հասնել գիւղին ու գիւղացուն, ապա դա հնարաւոր է գիւղացու արթնացման ու կայտառութեան գնով, տնտեսական ու կուլտուրական կեանքում պրպրտելու, փնտրելու, շարժելու եւ առաջընթանալու ճանապարհով:


ԻՆՔՆՕԳԻՈՒԹԵԱՆ ՊԱԿԱՍԸ

Պակասում է գիւղացուն եւ՝ ինքնօգնութիւնը, որն անրաժան է նախաձեռնութիւնից: Երկուսը միասին այն հսկայական ուժն են կազմում, որը յեղաշրջելու է արդի գիւղը: Ո՞րն է ինքնօգնութեան պակասը: Բերենք օրինակ: Գաւառները չըջելիս միշտ էլ մի երեւոյթ է աչքի զարնում, դա— խելամուտութեան կամ ձիւրքի կատարեալ բացակայութիւնն է: Գիւղացին դարերից ի վեր գիտէ, օրինակ, մի ձեւով շինել իր տունը. փոս, քար, ցելս ու մի փոսած գերան. ահա սա է նրա տունը: Հնարել, ճարել ու գործածել այլ միջոց՝ նա չգիտէ: Նայեցէ՛ք, օրինակ, Նոր

Բայագետի դաւառին: Այնտեղ, նամանաւանդ Սեւանտ լճի ափերին մեծ քանակութեամբ բնուած է եղեգներ: Մօլօկաններն օգտագործում են այդ տան կտուրը ծածկելու համար: Այլ քանդորով կա գիւղի տները կարգին են: Նըրանից մօտ երեք վերատի վրա գտնուող հայկական Ռախմանքենդ գիւղի տներն այլ պատկեր են ներկայացնում: Ահա՛ գիւղի մի թաղում գիւղացին իր փրած տունն է կարկատում: Մտնում ես ներսը. կտուրը բաց է, նա մնում է չաւարտած, որովհետեւ տանտէրը փայտ չունի, իսկ Բայագետի շրջանում փայտ ասածդ չկա: Հապա ինչու՞ եղեգնով չես ծածկում կտուրը, բնականօրէն հարց ես ուղղում նրան եւ ցոյց տալիս մօտակայքում աճող եղեգն: Գիւղացին քթի տակ ծիծաղում է: Նրա կարծիքով եղեգներ ո՛չ մի բանի պիտանի նիւթ չէ: Մեր գիւղացին չի իմանում, թէ ի՛նչ ասել է յատակն ու պատերը սւաղելը, այդ պատճառով էլ ձմեռը նրա տունը ցուրտ է, պատերից շարունակ թափվում ու կաթում է. նրա օթախն անհամբոյր է: Այս ամենը կարգի բերելու համար փող չի հարկաւոր: Պէտք է միայն մի փոքրիկ աշխատանք, ձեռներէցցութիւն եւ ըմբռնումն այն բանի, թէ առանց հնարի, ինքնօգնութեան կամ եղած հում նիւթից մի բան ստեղծելու ինքնագիտակցութեան՝ չկա տանելի կեանք, չկա առաջագիմութիւն:

Սրամիտ ընթերցողը մէր այս «քարոզը» կհամեմատէ երեւի անգլիացի Սմայլսի բարոյախօսական գրածքներին, («Ինքնօգնութիւն», «Սնայոդութիւն», «Քնաւորութիւն», «Պարտք», «Սեւք եւ էներգիա», եւ այլն): Թող համեմատի: Մի՞թէ սօցիալիստական կարգերը չեն զբաղւում «մանր» խնդիրներով. խորհրդային իրաւակարգի առօրեան ու ընթացիկը՝ դա ինքը սօցիալիզմն է: Մինչ պրօլետարական տիրապետութիւնն անարժէք են Սմայլսի բարոյախօսականները. նրանք թերեւս բաւարարում են քաղքենու կամ կապիտալիստ ու վաճառական դառնալ ձգտողի ախորժակը. եւ միմիայն այդքան: Սօցիալիստական էպօխսան վտարում է մեշչանիզմը եւ բուրժուական բարո-

1003
12155



յախօսութիւնը: Այն, ինչ որ անպիտան էր սակայն այսօրեա, սօցիալիստական, սոցիալիստական սմայլսիզմ է: Տիրապետող մեղանում աշխատաւորն է: Եւ նա շինարարութեամբ է զբաղւած: Հայաստանի բանւորն ու աղքատ գիւղացին ամենից առաջ վերաշինելու են գիւղը, քանի որ նա գիւղացիական Հայաստանի հիմքն է կազմում: Այս տեսակէտից մեր գիւղը, ըստ այնմ եւ երկիրը, ընթանալու է գիւղատնտեսութեան զարգացման եւ լուսաւորութեան պատւաստումի ուղիներով: Հողագործութեան Ժողովրդական Լուսաւորութեան Կօմիսսարիատներ՝ ահա՛ երկու գլխաւոր կէտեր, որոնց վրա երկու ամուր օտներով պէտք է կանգնած լինի խորհրդային Հայաստանը: Բայց այս հարցին մենք դեռ կվերադառնանք:

ՀԱՅԱՍՏԱՆԸ ԳԻՒԳԱՏՆԵՍԵՍԱԿԱՆ ԵՐԿԻՐ Է

Այստեղ առաջ է գալիս եւ մի այլ խնդիր: «Դուք շարունակ գիւղից, գիւղատնտեսութիւնից էք խօսում. ուրեմն Հայաստանը սոսկ գիւղատնտեսական երկիր էք համարում»: Այո՛, կպատասխանենք դրան: Այս ոչ Փիլիսոփայատիզմ է, ո՛չ էլ Նալբանդեանի «Երկրագործութիւնը»: Առաջինը խոշոր բուրժուազիայի նախնական տնտեսագիտութիւնն է, երկրորդը «մանր մարդու», մանր սեփականատիրոջ ձգտումն է: Սօցիալիզը հեռու է թէ՛ մէկից եւ թէ՛ միւսից: Նա վերցնում է երեւոյթներն այնպէս, ինչպէս նրանք կան: Հայաստանը չունի գործարաններ: Եթէ նրա հողերը ոռոգւեն, այն ժամանակ նա կլինի ըստ ամենայնի հարուստ հողային երկիր: Ինդուստրիայի զարգացման համար ներկայումս հեռանկար չենք տեսնում Հայաստանում: Բայց նա ունի բամբակ, խաղող, բրինձ, մետաքս եւ այլն: Գիւղական քանգարժէք կուլտուրաներ— սա՛ է մեր երկրի հիմքը: Բամբակի սերմ, խաղողի վաղ եւ ջուր՝ սրանց գումարը մեզ կտա հարուստ եւ ապահովւած խորհրդային Հայաստան:

Սօցիալիզմը չի անջատում գիւղը քաղաքից. նա չի

կտրում ինդուստրիան գիւղատնտեսութիւնից: Այս տեսակէտից մեզ համար քննադատութեան չի դիմանում ոչ ֆիզիոկրատիզմը, ո՛չ էլ Սիսմոնդին կամ «Երկրագործութիւնը»:

Եթէ մենք կրկնում ենք այն միտքը, թէ Հայաստանը գիւղատնտեսական վայր է, դա ամենեւին էլ չի ժխտում այն միտքը թէ գիւղերը պէտք է շաղկապել քաղաքներին հետ: Գիւղատնտեսական Հայաստան եւ ինդուստրիէլ Բազու կամ ուսուսական շուկա: Այսպէս է այսօր: Ապագայում կարող է լինել եւ հայկական արդիւնագործութիւն: Մի խօսքով, ինչպէս էնգէլսն էր ասում, սօցիալիզմի օրօք քաղաքն ու գիւղը մի մարմին են կազմում եւ վերանում է նրանց միջի խորխորատը, նրանց այն անհարազատութիւնը, որն արդիւնք է կապիտալիստական կարգերի:

Բայց եւ կրացականչեն՝ «ի՞նչպէս է որ գիւղացիական երկրում պրօլետարական դիկտատուրա գոյութիւն ունի»: Մենք էլ կհարցնենք. «Ե՞րբ եւ ո՞րտեղ է ասած, թէ գիւղատնտեսական երկրներում սօցիալիզմ չի լինի: Ընդհակառակն, մարքսիզմը միշտ էլ ուսուցանել է, որ գիւղացիական վայրերը սօցիալիստական յեղափոխութեան միջոցին օժանդակութիւն եւ օգնութիւն կստանան առաջնակարգ, ինդուստրիէլ ու պրօլետարական երկրների կողմից:

ԳԻՒՂԸ ՊԵՏԻ Է ԲԱՐՁՐԱՑՆԵԼ

Այժմ վերադառնանք Հողագործութեան կօմիսսարիատին, որին, ինչպէս երևում է, վիճակած է խոշոր դեր կատարելու Հայաստանում: Նա է Հայաստանի ողջ տնտեսութեան, նրա հարստութիւնների ու նրա նիւթական շինարարութեան ղեկավարը: Նրա օրգանները ամենաազդեցիկ, ամենամարտական եւ ամենաձեռնբէց միաւորները պէտք է լինեն: Նրանք սերտ կերպով պէտք է կապւեն գիւղացուն, նրա նիստ ու կացին: Մենք գիւղը լաւ չենք իմանում եւ պէտք է ասած, որ տեղեակ չենք նրա

անցուղարձերին, սովորոյթներին. նրա կարողութեան: Գիւղը պէտք է ճանաչել ու հասկանալ նրան: Պէտք է տեղեակ լինել նրա անցեալին, ներկային, նրա կենցաղին: Այդ պատճառով էլ պէտք է սերտ կապ պահել գիւղի հետ:

Շատ անգամ է աչքաթաղ արւել գիւղը: Իշխանութեան ֆօկուսը կենտրոնումն է. խոշոր ու պատասխանատու աշխատողները մայրաքաղաքումն են ապրում, զբաղւած իրանց առօրեա գործունէութեամբ եւ նրանք դժուարնում են գիւղ անցնել: Նոյնիսկ գաւառական գործադիր կօմիտէների անդամներն ու աշխատակիցները մշտնջենական յարաբերութեան մէջ չեն գիւղի հետ: Կենտրոնը, վերի աշխատանքը եւ առանձնասենեակը սարբիակում են ամենայն ինչ, իսկ իսկական կենտրոնը, գիւղը յաճախ վերջին շարքն է քաշում: Սրա դէմ պէտք է կռւել: Այն շարժումը, որին ընտելացնել ենք աշխատում մեր գիւղացուն, ամենից առաջ պարտական ենք կիրառել մենք ինքներս: Անխցելի եւ անընդհատ պահպանող կապ գիւղի եւ կենտրոնական Խորհրդային Իշխանութեան միջեւ, պատասխանատու ընկերների փոխադրութիւնը գիւղ՝ այնտեղ աշխատելու, գիւղացուն շարժելու եւ գիւղը վերաշինելու նպատակով—սա ընթացիկ, կարեւորագոյն հարցերից մէկն է: Գիւղի հեռանկարը, նրա առաջնակարգ լինելը ո՛չ մի դէպքում, ո՛չ մի ժամանակ չպէտք է վրիպի մեր ուշադրութիւնից: Մեր կառավարութիւնը, որպէս արթուն հսկիչ, աշխատում է եւ էլ աւելի ջանք կթափէ այդ ուղղութեամբ:

ԿՕՕՊԵՐԱՑԻԱՆ

Գիւղատնտեսութիւնն ու գիւղը բարձրացնելու նպատակին են ծառայում եւ այլ պայմաններ. դրանք երկուսն են՝ կօօպերացիան եւ կօմսոնիստական երիտասարդութիւնը (Կօմսօմօլը): Կօօպերացիայի մասին շատ է խօսւած, սակայն քիչ բան է արւած: Խորհրդային կարգերում կօօպերացիան մի առանցք է, որի շուրջն է հաւաքւում

ժողովրդի անտեսութիւնը, նրա նիւթական բովանդակ կարողութիւնը: Դա կասկածից դուրս է: Որովհետեւ կօօպերացիան լինելով ազատ ու անկաշկանդ հասարակական մարմին, առանց հրամանի եւ առանց ի վերուստ դրած օրէնքների կաղմակերպում է անտեսութիւնը, ամենից առաջ մանրն ու միջակը, արդիւնաբերութիւնն, առեւտուրը եւ վարկը: Կօօպերացիան ո՛չ միայն առեւտուր է, նաեւ կօօպերատիվ կամ ընկերային առեւտուր. նաեւ արտադրութիւն է, նաեւ վարկ է: Գիւղացին կարօտ է նաւթի, հազուստէ՛ղէնի եւ աղի. եթէ այս երեք բանը մատակարարւի նրան, գիւղացին երջանիկ կըզա իրեն: Մասնաւոր առեւտուրը ճնշիչ է: Մնում է պետական եւ կօօպերատիվ առեւտուրը: Սրանք էլ յաճախ վարակեում են առաջինից, նրա վատ պրակտիկայից: Կօօպերացիան որպէս հասարակական, ընկերային օրգան, պէտք է նըպաստէ գիւղացուն, իր բարերար ասպարատով մատուցանէ նրան էժանագին հազուստ, աղ ու նաւթ: Դրա համար ինքը կօօպերացիան պէտք է որ էժան ու ձկուն հիմնարկութիւն լինի:

Իսկ նրա էժանութիւնն ու ձկունութիւնը կախած է նրա մասսայականութիւնից: Մասսայական կօօպերացիան գիւղի վատահոլութեանը կոթնած մի մարմին է: Այդ վրտահոլութիւնը ձեռք է բերում անդուլ, անձնէք եւ հաւատարիմ աշխատանքով: Դա նշանակում է, որ կօօպերացիան ցոյց է տալու գիւղացուն իր պիտանի, գործնական դէմքը: Եւ այդ ոչ միայն առեւտրի ասպարիզում, այլ անյի շուտ արտադրութեան մէջ կամ գիւղական արդիւնարբութեանը արող անմիջական օգնութեան դէպքում: Եթէ կօօպերացիան փաստերով ու օրինակով ապացուցանէ գիւղացուն, որ նա նորանոր ուղիներ է բաց անում գիւղատնտեսութեան առաջ, այն ժամանակ կօօպերացիայի գործը գիւղում միանգամայն ապահովւած է:

Կօօպերատիվ վարուցանքը, կօօպերատիվ աշխատանքը դաշտում, կօօպերատիվ վարկն ու կօօպերատիվների միջոցով ստացւած էժանագին գործիքներն, — այս ամենը կազմում է գիւղական կօօպերացիայի նիւթական արմատը: Գիւղացուն չի կարելի կօմունիստ դարձնել հրահանգներով. գիւղացին չի լինի կօմունիստ սոսկ ազիտացիայի միջոցով: Գիւղացին կապւած է բնութեանը, վերջինիս նման նա փաստ, առարկա ու նիւթ է սիրում: Կօմունիստական քարոզը գիւղում պէտք է լինի իրական, նիւթական, փաստական: Գիւղական կօմունիստ կամ ար-

տելը չի ստեղծւի լուկ բարի ցանկութեամբ կամ գեղեցիկ խօսքերով՝ «եկէ՛ք, կաղմենք կօմունեա եւ միասին արնտեսնք ու սպառենք»: Գիւղացին յոռետես է եւ դիտող: Կա՞ մեղանում կօօպերացիա: Թող նա փորձով դաշտում ցոյց տա գիւղացուն, որ կօօպերատիվ աշխատանքն ու անտեսութիւնը անելի ձեռնտու է քան մասնաւորը: Մի լաւ ու գործնական օրինակը վարակիչ կլինի ողջ շրջապատի համար: Միմիայն այդ դէպքում նա կլինի իսկապէս որ կրթիչ ու կուլտուրական գործօն մեր գիւղում:

Մասնաւոր առեւտրին, սպեկուլացիային կուխ յայտարարող ու աշխատաւորավարի, էժան գներով առեւտուր անող կօօպերատիվներէ եւ գիւղի, գիւղատնտեսութեան ծախքերը թեթեւացնող ու գործով գիւղացուն համայնավարութեան պատրաստող կօօպերացիայի գումարը՝ դա ինքը սօցիալիզմն է, որ սկսել է քայլել ու շինել արդէ գիւղերը, մեր դաշտերն ու տափարակները:

ԿՕՄՄՈՒՆԻՍՏԱԿԱՆ ԵՐԻՏԱՍԱՐՏՈՒԹԻՒՆԸ

Կօմունիստական երիտասարդութիւն: Նա գիւղի ողջ ապագան է: Գիւղի անցեալը յայտնի է: Նրա ներկան անախանձելի է: Մնացել են հնի հետեւանքներն ու բեկորները: Ներկան իսկապէս ասած չկա: Գիւղի յատկանիչ կողմն է անցեալով փարւել կապիտալին, ասպագայում՝ աշխատանքին, ներկան դատարկ է, ամայացած: Այդ բացը լցնում է Խորհրդային Իշխանութիւնը. նրա անդուլ ջանքերը մի նպատակ ունին. բարելաւել գիւղը եւ պատրաստել նրան յանուն ապագայի: Ինչպիսի՞ նիւթ կա գիւղում այդ աշխատանքը տանելու համար: Կինը տակաւին քնած է: Տարիքաւոր տղամարդը յաճախ ենթակա է ծերերին կամ գնում է ծերերի ճանապարհով: Ծերերն անցելի բեկորներն են: Կան ջահելները, երիտասարդները: Նրանք են, որ կերպարանափոխելու են այսօրւա գիւղը: Երեք, հինգ ու տասը տարի, եւ գիւղի ողջ անձնական կազմը բաղկացած կլինի այսօրւա երիտասարդութիւնից:

Ախալքալաքի գաւառի գիւղերից է հայկական Սուլդան, որ ունի 272 տուն. Գիւղի ամենակրթւած «առաջնակարգ» ու ձեռներէց անձն է ներսիսեանաւարտ արեգարդ Փարմանեանը: Նա գիւղական հասարակութեան այժմ է: Գիւղը նրա բերնովն է խօսում: Փարմանեանը շատ պահանջկոտ է: Գիւղում ամենայն ինչ վատ է, ոչինչ չկա, եւ Փարմանեանի շրթունքներից պահանջներ, պա-

Հանձներ ու պահանջներ են, որ թափուում են: Փարմանեանը իսկապէս անբաւական է եւ խորհուրդներին: Նա վարժապետ է: Հարկաւ, նա դաշնակ է, միշտ վրդովւող է եւ խառնակիչ: Ի՞նչ բարերար ազդեցութիւն կարող է ունենալ այդ մարդը գիւղի վրա: Երբ բացատրում ես գիւղացիներին, թէ բանը ինչու՞մ է, Փարմանեանը իսկոյն եւ եթ նահանջում է: Պէտք է հայ գիւղն ազատել ֆարմանեաններէ: Եւ դա մեր Կոմսոմօլի պարտականութիւնն է: Ինչպէ՞ս:

Կոմսոմոնիստական երիտասարդութիւնը գիւղում պիտի լինի յեղաշրջիչ ույժ: Եւ այս ձեւով: Գիւղում պէտք է իշխանաւոր կոմսոմօլ, հրամայող, կառավարող եւ իշխանութիւն անող կոմսոմօլ. ո՛չ էլ ենթակա, պասսիվ կոմսոմօլ: Գիւղում կա եւ մնում է Խորհրդային Իշխանութիւնը. կոմսոմօլն օժանդակում է նրան: Նա կազմակերպում է երիտասարդներին, ընտելացնում է նրանց ինքնուրոյն ձեռնարկութեան, ինքնօգնութեան. դուրս է բերում նրանց քահանայի, վարժապետի, արեւորի, ռեսի, դաւաճանու ու նահապետի ազդեցութեան տակից: Հողագործական, լուսաւորութեան եւ կօօպերատիվ աշխատանքների ասպարիզում կոմսոմօլն իր հերթին վարժեցնում է երիտասարդ խաւերին, նախապատրաստում է նրանց հին գիւղը վերածելու նորի՝ ժամանակակից խորհրդային, սօցիալական հիմունքներին կոթնած նոր գիւղի: Հին սերունդը դժարանում է այդ անել: Դա նոր սերնդի եւ հնից դուրս եկած լաւագոյնների գործն է: Ահա այսպիսի մի մեծ կուլտուրական աշխատանքի դիմաց է կանգնած ժամանակակից գիւղական երիտասարդութիւնը: Այս ամենը կատարւում է եւ պիտի արւի Հայաստանում: Որքան էլ դժարանան, չարախօսեն ու ծիծաղեն թշնամիները մեր կոմսոմոնիստական երիտասարդութեան վրա, մեր աշխատանքի դիմաց գիւղում, որքան էլ նրանք պրօվօկացիօն լուրեր տարածեն կրօնին վերաբերեալ մեր քաղաքականութեան առիթով, ինչ սուտեր էլ յօրինեն նրանք հայ գիւղացու տրամադրութեան մասին, գիւղի յեղափոխական աշխատաւորութիւնը կզնա իր ուղիով: Նա հրատարում է վարժապետներին, տէրտէրներին ու խմբապետներին: Նա ձգտում է կուլտուրայի, բարեկեցութեան եւ Խորհրդային կարգերի ամրացման: Այդպէս էլ կլինի:

Այժմ նայենք քաղաքին:

Քաղաքի բանուորութեան եւ աշխատաւորութեան

դրութեան բարեկաւումը առաջ է գնում աւելի նպաստաւոր պայմաններում: Սրան վերաբերող տեսարները յայտնի են: Այդ առիթով շատ է գրւած, ուստի կարիք չկա սրա վրա ծանրանալու: Արժէ միայն մի քանի խօսք ներել որբերին ու որբանոցներին, կուլտուրական հիմնարկներին, հայ լեզուի ու գիտութեան արդի վիճակին եւ Ինտելիգենցիային:

ՈՐԲԵՐԸ

Ընդհանրապէս մեր երիտասարդութեան եւ մասնաւորապէս կոմսոմօլի խնդիրները յարակից են, աւելի շուտ միացած են որբերի հարցին: Հայաստանը որոշ իմաստով որբերի երկիր է: Տասնեակ հազարներով որբեր են սնւում ու դաստիարակւում այնտեղ. հազարներով որբեր են պահուում եւ արտասահմանում: Սակայն ի՞նչ մեծ տարբերութիւն կա այդ հատւածների դրութեան մէջ: Այս տարւա Յունիսի 22 թւագրով Յունաստանի հայ որբերը «Տառապող որբութիւն» ստորագրութեամբ մի գրութիւն են բաց թողել՝ «Որբերու կոչ ընդհանուր հայութեան: ձգնաժամը հասած է», որտեղ աւսած է. «Ստոյգ նամակներէ քաղւած տեղեկութեանց համաձայն, այլ եւ այլ կղզիներու հայ որբուհիները 14էն վեր սկսած են յոյններուն ծառայութեան տալ: Ահաւասիկ տխուր եւ ցնցող պարագա մը եւս, որ մեզ ալ գայրացում կը պատճառէ: Պահ մը ենթադրեմք թէ մեմք որբերս տանել կրնանք ամենէն յուսահատական վարկեաններն իսկ, բայց, երբէք չէինք յուսար, թէ որբուհիներն ալ մեզի բաղդակիցներ պիտի ըլլան: Ողբի նամակներ են անոնք գորս գրած են մեզի այդ տարաբաղդ որբուհիները, աղբարելով ազատութիւն միայն»: Գրւած բում նկարագրւած է որբերի ծանր դրութիւնը որբանոցներում. վերջում կցւած է՝ «Անհանդուրժելի է այլեւս, պէտք է փրկել որբերը, փրկել որբուհիները, անոնցմէ պիտի կազմւի ապագա հայ սերունդը: Ահա վերջին կոչը կուղղենք ամբողջ հայ ազգին քանի դեռ չենք գլորւած անդունդը: Հասցուցէ՛ք ձեր ձեռքերը եւ փրկեցէ՛ք մեզ անդունդէն»: Միանգամայն պարզ եւ հասկանալի է այդ պատկերը գաղութներում ու բուրժուական երկրներում: Այժմ լսենք Հայաստանի որբերի մայրը: Հայաստանի որբերի փոքրիկ մասն է միայն անում պետական որբանոցներում, որոնց դրութիւնը նրկակալնի ու դաստիարակութեան տեսակէտից բաւարար է: Խո-

չորագոյն մասը գտնուում է ամերիկական որբանոցներում : Վերջիններս իդէականի կողմից գտնուում են Խորհրդային իշխանութեան լիակատար հսկողութեան ներքեւ : Արդէն այդ որբանոցների համար երկրագործական համայնավայրեր են ստեղծուում : Ամերիկական որբանոցների ընդհանուր վերահսկիչ է . Եւրոօրի՝ Ամերիկայի եւրոպական ներկայացուցչին (Զինցերիայում) այս տարւոյ սեպտեմբերի գլխին ուղղած նամակում, ի միջի այլոց, ասւած է . «Կառավարութիւնը (արդի Հայաստանի Ա. Մ.) յղացել է մի քանի սփանչելի ծրագիր հողերի ռոտովան վերաբերեալ, մի քանիսն արդէն իրագործուում են, իսկ միւսները, որոնց յաջողութիւնն անպայման է, միջոցների սուղութեան պատճառով յետաձգուում են : Կառավարութիւնը յանձնել է ամերիկական կոմիտէյին որոշ քանակով հող, որը կառավարութեան հսկողութեան տակ պիտի բաժանուի որբերին : Այլ երկրներից Հայաստան տեղափոխելիք երեխաների հարցը միանգամայն այլ կերպ է դրւած, քանի որ նրանք ոչ թէ միայն ապահովւած են լինելու նիւթականապէս, այլ եւ անհրաժեշտ է ունենալ միջոցներ հողի մշակութեան համար, որոնք պէտք է յատկացուեն որբերին» : Այստեղ խօսքը վերաբերում է արտասահմանից Հայաստան փոխադրուելիք որբերին : Ինչպէս յայտնի է, այդ խնդիրն այսօր շատ է զբաղեցնում հայկական մի քանի դաղութների : Այդպէս ուրեմն, ամերիկացին լաւ է ըմբռնել, որ Խորհրդային իշխանութիւնը որբերին ցանկանում է դարձնել հողագործ, արհեստաւոր ու գործունեա քաղաքացիներ : Այդ ուղղութեամբ է տարւում աշխատանքն ամերիկական որբանոցներում : Անշուշտ, այնտեղ միջոցառումը դեռ եւս այն չէ, ինչ որ մենք տեսնում ենք խորհրդային որբանոցներում : Եւ այս հարցն է, որ մեզ անհանգստացնում է :

ԿՈՄՍՕՄՕԼԻԻՍԱԿԱՆ ԽՆԴԻՐԸ ՔԱՂԱՔՈՒՄ

Պէտք է կրթել մօտ երեք տասնեակ հազար երեխաներ : Նրանք մեր յոյան են, մեր պետութեան հիմքերից մէկը : Դա կօմսօմօլիտական խնդիրն է քաղաքում : Չէ՞ որ մեզ հարկաւոր են սօցիալիստ քաղաքացիներ, հալալ աշխատաւորներ եւ ոչ թէ ազգայնական ու կղերական սեմինարիստներ եւ հակայեղափոխական գիմնադիստներ : Տուար բռնել ենք եւ պահում ենք, պէտք է որ դիժն էլ լաւ ու կարգին սանինք : Դա մեր Լուսաւորութեան կօմիսսա-

րիատի դործն է ամենից առաջ, կօմսօմօլիինը էպպէս եւ կուսակցութեանը վերջին հաշուով :

ԿՈՒԼ՝ՏՈՒՐԱԿԱՆ ԱՇԽԱՏԱՆԻ

Հայաստանի քաղաքներն ունեն իրանց մի շարք կուլտուրական գործօնները՝ լրագրեր, դիրք, թատրոն, թանգարան, դրադարան, կօմսեքվատօրիա, համալսարան եւայլն, եւայլն : Ո՛չ մի ժամանակ հայն այդպիսի պատկեր չի տեսել : Առանց տատանւելու պէտք է ասած, որ Հայաստանը կուլտուրայի նոր դարաշրջան է ապրում : Հայ լեզուն այսօր մեծ յարգ ունի : Նա լուում եւ գործածուում է ինչպէս կուլտուրական հիմնարկութիւններում, պետական օրգաններում, նոյնպէս եւ տանը, փողոցում : Դաշնակցական իշխանութիւնն ի՞նչ լեզու է գործածելիս եղել : Դժւար է ասել : Դաշնակցականները հայ լեզուի տարածման ու զարգացման օգտին չեն աշխատել, մինչդեռ այժմ այդ լեզուն յարմարուում է ե՛ւ գործնականին, ե՛ւ տեխնիկային, ե՛ւ գիտութեանը : Նորագոյն, դիտական եւ բժշկական հայ բառարաններ են տպագրուում : Առաջները եղե՞լ են միթէ քիմիայի, մարդակազմութեան, պատալօգիայի, հանքաբանութեան եւ այլն հայերէն դասագրքեր ու համալսարանական դասընթացքներ : Այսօր դա իրականութիւն է :

Լեզուի հետ միասին զարգանում է ե՛ւ գիտութիւնը : Հայրական գիտութեան մասին չենք խօսում : Հայերէն գիտութիւնն է, որ այսօր ծաղկում է Հայաստանում . իսկ այդ գիտութեան արդիւնքներն կստացուեն ապագայում : Հայաստանը ունի եւ գիտութեան տաճար : Դա Երեւանի պետական համալսարանն է, որ հազարի մօտ ուսանողութիւն ունի եւ եօթանասունի մօտ գիտնական ուսուցիչներ է համախմբել իր շուրջը : Մենք արդէն շեշտեցինք, որ կուլտուրայի բարիքները պէտք է տարածել գիւղում . չպէտք է միայն ոգեւորել ու տարւել քաղաքի կուլտուրայով : Այն, ինչ որ կա, դա էլ արդէն բաւական է : Եղած թանգարաններն եւ գրականութիւնը պէտք է յայն կերպով օգտագործել գիւղում եւ գիւղի համար : Մեր առօրեա մամուլը խստիւ պէտք է տարածել գիւղում . դրա համար անհրաժեշտ է կանոնաւորել փոստը, երթեկութիւնը եւ թերեւս կարելու է գրական շրջիկների ինտիլիտուս մրտցնել Հայաստանում : Յամենայն դէպս այս խոշոր հարցը պէտք է կապել գրագիտութեան տարածման խնդրին : Սա

ժողովրդական Լուսաւորութեան Կօմիսսարիատի գործն է: Եթէ թերթն ու գիրքը ժողովրդական լայն մասսաների սեփականութիւնը չի դառնում, ապա նրանց հրատարակելը միտք չունի:

ՀԱՄԱԼՍԱՐԱՆԸ

Սակայն մեր կուլտուրայի կենտրոնն է կազմելու Պետական համալսարանը Երեւանում: Նրա համար միջոցներ չպէտք է խնայել, ինչպէս եւ գրադիտութեան տարածման համար: Սրանք համարժէք եւ կենսական մեծութիւններ են: Որովհետեւ համալսարանն այն հնոցն է ու լաբորատորիան, որից կենսատու գաղափարներ են ցրուում դէպի ծայրերը: Գիրն ու ընթերցանութիւնը տարածելու համար՝ պէտք են լուսաւոր գլուխներ, որ կտա համալսարանը: Հողի մշակութիւնը պահանջում է դաշտագէտներ, որոնց ստեղծելու է դարձեալ համալսարանը: Արդիւնագործութիւնն ու արհեստը չեն կարող բարգաւաճել առանց ճարտարապետի, որին նոյնպէս կղատարակելի համալսարանը: Ընդհանուր կուլտուրայի զարկերակը բանելու է շարունակ եւ անընդհատ, եթէ առողջ պահել սիրտը: Համալսարանն այդ սիրտն է: Նա չափանիշն է լինելու հայկական կուլտուրայի, նրա մշակութի եւ նրանց երկսի կանոնաւոր զարգացման: Համալսարանը կստեղծի նոր ինտելիգենցիա բառի իսկական իմաստով. նա կինտելիգենացնի ողջ երկիրը: Իսկ առանց այս հանգամանքի կը ժաւարանա, նոյնիսկ անկարելի կդառնա սօցիալիստական կարգերի զարգացումը. չէ՞ որ սօցիալիզմը մի ամբողջ, մի նոր, մի կատարեալ կուլտուրա է:

ԻՆՏԵԼԻԳԵՆՑԻԱՆ

Նման հին ու նոր գիւղի կա հին ու նոր ինտելիգենցիա: Հին ինտելիգենցիա է տէրտէրը, վարժապետը, դաշնակցական մտաւորականը, ազգայնական գրականագէտը: Նրա դարն անդարձ անցել ու գնացել է: Գալուստ արեւադեմներն, Աղբալեանները, Վարանդեաններն ու Քալանթարեաններն այլեւս չկան: Նորն է գալիս, նորն է արչւում: Դա երիտասարդ «Մուրճն» է եւ յեղափոխական Չարենցը. դա նոր կուլտուրայի պահապան Մուսաբեկն է. մեր գիտնականներ ու գրականագէտներ՝ Ա. Յովհաննիսեան, Կարինեան, Հ. Յովհաննիսեան եւ ու-

րիշներն են: Մեզ հետ են եւ հին ինտելիգենցիայի լաւագոյն տարրերը: Սրանք են, որ կը թնամ մասսաներին, նրանց անյողդողդ կամքին, նրանց հետ միասին նոր երգ են ասում, նոր ձեւով հող են մշակում, նոր աշխարհ են շինում:

Սա՛ է Հայաստանի ներկան: Սրանք են նրա գործերը: Այսպիսի աւելաներով է նա առաջ գնում:

Երեք տարի: Արար աշխարհի առաջ բաց է այդ տարիներին կեանքը: Կան այնտեղ եւ սխալներ: Հայաստանի բանւորներն ու դիւղացիները նկատում են այդ սխալները եւ ըստ այնմ ուղղում գիծը եւ գործին առողջ ընթացք տալիս: Յամենայն դէպս մեր աշխատաւորութեան մահացու թշնամիներին եւ երկրից վտարուածներին չէ վերահասուած այդ մասին խօսելու: Նրանց կանչն ու աղաղակը մեզ չեն վրդովում: Հայ աշխատաւորութիւնը կզնա իր ընտրած ուղիով:

Այսօր մենք ունենք յորհրդային Հայաստան: Նրա կամակատարն է արդի կառավարութիւնը: Յեղափոխական հայ պետութիւնը, դա մի ամբողջ դարապուշ է: Մարդիկ արտասահմանում հաջում են, թէ չկա հայկական անկախութիւնը, իսկ իրականութիւնը յամառօրէն պնդում է որ արդէ Հայաստանն ազգային խորհրդային պետութիւն է, ինքնուրոյն պետութիւն, հայկական լեզուով, հայ կուլտուրայով, զարգացող եւ հայի կեանքն ազնւացնող մի պետութիւն:

ԵՐԵՎ ՏԱՐԻ

Երեք տարի է ահա՛, ինչ նա կանգուն, անխախտ ու խորիտ նայում է ապագային, ձեռքում բռնած պրօլետարական դեկը, իր յաղթութիւնները շալակին եւ պատրաստ նորանոր կոիւնքերի ու նւաճումների: Դաշնակցական Հայաստանը հնի, կապիտալիզմի, ցարական կարգերի շարունակութիւնն էր կազմում: Երբ հարձակում Հայաստանը նոր աշխարհ է, չտեսնւած ու չեղած: Նախկին Հայաստանը գիւղ էր եւ մոխիր դարձաւ: Յեղափոխական Հայաստանը կեանք է եւ առաջդիմութիւն: Թող պահպանողականները, սեւամիտներն ու ոճրագործ սպասուորները, թրիւ դալով մեռնող Եւրպայի սրճարաններում, խապոս ոռնոցով դիմաւորեն Հայաստանի նոր կեանքը: Նա կա, նա զարգանում է Կօմմունիստական Կուսակցութեան ղեկավարութեամբ. նա ամուր քայլերով գնում է

դէպի լուսաւոր ապագան: Որովհետեւ այդպէս են ուզում հայ բանւորն ու աշխատաւոր դիւղացին: Դա նրանց գործն է:

Ողջո՛յն Յեղափոխական Պրօլետարիատին ու Գեղջուկին:

Ողջո՛յն երեք տարին բոլորող Սօցիալիստական Հաստանին:



Արտեղ — Հնուց Ռուսիոյ մէջ գոյութիւն ունեցող աշխատանքային ընկերակցութիւն, որ յաճախ համայնական տնտեսելակերպի ձեւն առած է. կկոչւի նաեւ դրոսիսա.

Լաբօրատօրիա — Աշխատանոց.

Կոնուս — Երկրաչափութեան մէջ մարմին մը, որ շաքարի գնդի ձեւն ունի.

Կօմսօմօլ — Կօմունիստ Երիտասարդական Միութիւն.

Մեշչանիզմ — Քաղքէնիութիւն.

Սիւսօնդի — Ֆրանսացի պատմաբան եւ տնտեսագէտ (1773-1842): Առաջ Ադամ Սմիթի վարդապետութեան հետեւող էր. յետագային անգլիական տնտեսագէտներու հակառակ վարդապետութիւններ քարոզեց:

Սմայլսիզմ — Սմայլսի գրեւծքների մտայնութիւնը ներկայացնող.

Փեշակ — արհեստ, պարագմունք.


Ֆիզիօկրատիզմ — Տնտեսագիտական վարդապետութիւն մը, որ 18րդ դարու կիսին առաջացաւ Ֆրանսիոյ մէջ եւ հողը ու հողամշակութիւնը ազգային հարստութեան գլխաւոր աղբիւրը կհամարէր.

Ֆօկուսիկուրիւն — Չեռնածութիւն.

« Ազգային գրադարան



NL0393870



13027